

摘藻堂四庫全書薈要

史部

欽定四庫全書薈要卷七千五百九十八

史部

山海經卷五

晉 郭璞 註

中山經

中山經薄山之首曰甘棗之山其水出焉

音恭

而西流注

于河其上多杻木其下有草焉葵本而杏葉

或作楷葉

黃華

而莢實名曰籜

他落反

可以已瞢

音盲

有獸焉其狀如猼鼠

而文題

猼鼠所未詳音虺字亦或作虺

其名曰難

音那或作熊也

食之已癭

又東二十里曰歷兒之山其上多榲多櫟木

音厲

是木也

方莖而員葉黃華而毛其實如楝

楝木名子如指頭白而粘可以浣衣也音

練或作簡服之不忘

又東十五里曰渠豬之山其上多竹渠豬之水出焉而

南流注于河其中是多豪魚狀如鮪

鮪似鱸也

赤喙尾赤羽

可以已白癬

又東三十五里曰葱蘢之山其中多大谷是多白堊黑

青黃堊

言有雜色堊也

又東十五里曰淩山

音倭

其上多赤銅其陰多鐵

又東七十里曰脫扈之山有草焉其狀如葵葉而赤華

莢實實如櫟莢

今櫟木莢似皂莢也

名曰植楮可以已癩

癩病也淮南子

曰狸頭已癩也

食之不昧

又東二十里曰金星之山多天嬰其狀如龍骨可以已

瘞

癰瘞也

又東七十里曰泰威之山其中有谷曰梟谷其中多鐵

或無

谷字

又東十五里曰糧谷之山其中多赤銅

或作糧谷之山

又東百二十里曰吳林之山其中多茲草

赤管字

又北三十里曰牛首之山

今長安西南有牛首山上有館下有水未知此是非

有

草焉名曰鬼草其葉如葵而赤莖其秀如禾服之不憂勞水出焉而西流注于滴水

音如滴詐之譌

是多飛魚其狀如

鮒魚食之已痔衄

又北四十里曰霍山

今平陽永安縣廬江潯縣晉安羅江縣河南鞏縣皆有霍山明山以

霍為名者非一笑按爾雅大山繞小山為霍

其木多穀有獸焉其狀如狸而

白尾有鬣名曰肫肫養之可以已憂

謂蓄養之也昔昧反

又北五十二里曰合谷之山是多薺棘

未詳音瞻

又北三十五里曰陰山

亦曰險山

多礪石文石

礪石石中磨者

少水

出焉其中多彫棠其葉如榆葉而方其實如赤菽

菽豆食

之已聾

又東北四百里曰鼓鐙之山多赤銅有草焉名曰榮草其葉如柳其本如雞卵食之已風

凡薄山之首自甘棗之山至于鼓鐙之山凡十五山六

千六百七十里歷兕冢也其祠禮毛太牢之具縣以吉

玉

縣祭山之名也見爾雅

其餘十三山者毛用一羊縣要用桑封

瘞而不髡桑封者桑主也方其下而銳其上而中穿之

加金

言作神主而祭以金銀飾之也公羊傳曰虞主用桑主或作玉

中次二經濟山之首曰輝諸之山其上多桑其獸多閭

麋其鳥多鷦

似雉而大青色有毛勇健關死乃止音曷出上黨也

又西南二百里曰發視之山其上多金玉其下多砥礪

即魚之水出焉而西流注于伊水

又西三百里曰豪山其上多金玉而無草木

又西三百里曰鮮山多金玉無草木鮮水出焉而北流
注于伊水其中多鳴蛇其狀如蛇而四翼其音如磬見
則其邑大旱

又西三百里曰陽山多石無草木陽水出焉而北流注
于伊水其中多化蛇其狀如人面而豺身鳥翼而蛇行
其音如叱呼見則其邑大水

又西二百里曰昆吾之山其上多赤銅

此山出名銅色
赤如火以之作

刀切玉如割泥也周穆王時西戎獻之尸子所謂昆吾之劍也越絕書曰赤堇之山破而出錫若邪之谷涸而出銅歐冶子因以為純鉤之劍汲郡冢中得銅劍一枚長三尺五寸乃今所名為干將劍汲郡亦皆非鐵也明古者通以錫雜銅為兵器也

有獸焉其狀如玃而有角其音如號

如人

號哭

名曰螾蜥

上已有此獸疑同名

食之不昧

又西百二十里曰茲

音間

山茲水出焉而北流注于伊水

其上多金玉其下多青雉黃有木焉其牀如棠而赤葉

名曰芒草

音志

可以毒魚

又西一百五十里曰獨蘇之山上無草木而多水

又西二百里曰蔓渠之山其上多金玉其下多竹箭伊

水出焉而東流注于洛

今伊水出上洛盧氏縣熊耳山東北至河南洛陽縣入洛

有

獸焉其名曰馬腹其狀如人面虎身其音如嬰兒是食人

凡濟山經之首自煇諸之山至于蔓渠之山凡九山一

千六百七十里其神皆人面而鳥身祠用毛

擇用毛色

用一

吉玉投而不糝

中次三經黃山之首曰敖岸之山

或作獻黃音倍

其陽多璆璵

之玉其陰多赤黃金神熏池居之是常出美玉

或作石

北

望河林其狀如蓍如舉

說者云蓍舉皆木名也未詳蓍音蓍

有獸焉其狀

如白鹿而四角名曰夫諸見則其邑大水

又東十里曰青要之山實維帝之密都

天帝曲密之邑

北望河

曲

河千里一曲一直也

是多駕鳥

未詳也或曰駕宜為駕駕鵝也音加

南望壇渚

水中

小洲名渚壇音填

禹父之所化

鯀化於羽淵為黃熊今復云在此然則一已有變怪之性者亦

無往而不化也

是多僕纍蒲盧

僕纍蝸牛也爾雅曰蒲盧者螟蛉也

勉武羅司之

武羅神名勉即神字

其狀人面而豹文小腰而白齒

或作首

而穿耳

以鑠

鑠金銀器之名
未詳也音藥

其鳴如鳴玉

如人鳴
玉佩聲

是山也宜女

子畛水出焉

音軫

而北流注于河其中有鳥焉名曰鵯

音如

窈窕

其狀如鳬青身而朱目赤尾食之宜子

朱淺赤也

有草

焉其狀如薺

管似茅也

而方莖黃華赤實其本如藁本

根似藁本

亦香

名曰荀草

或曰苞草

服之美人色

令人更美艷

又東十里曰驪山

音魏

其上有美棗其陰有瑇瑁之玉正

回之水出焉而北流注于河其中多飛魚其狀如豚而

赤文服之不畏雷可以禦兵

又東四十里曰宜蘇之山其上多金玉其下多蔓居之

木

未詳

瀟瀟之水出焉

音容

而北流注于河是多黃貝

又東二十里曰和山其上無草木而多瑤碧實惟河之

九都

九水所潛故曰九都

是山也五曲

曲回五重

九水出焉合而北流

注于河其中多蒼玉吉神泰逢司之

吉猶善也

其狀如人而

虎尾

或作雀尾

是好居于黃山之陽出入有光太逢神動天

地氣也

言其有靈爽能興雲雨也夏后孔甲出于黃山之下天大風晦冥孔甲迷惑入于民室見呂氏

春秋也

凡黃山之首自教岸之山至于和山凡五山四百四十

里其祠太逢熏池武羅皆一牡羊副

副謂破羊骨磔之以祭也見周禮音

惛惛之幅嬰用吉玉其二神用一雄雞瘞之糝用徐

中次四經釐山之首

音狸

曰鹿蹄之山其上多玉其下多

金甘水出焉而北流注于洛其中多冷石

冷石未開也冷或作涂

西五十里曰扶豬之山其上多礪石

音與今鴈門山中出礪石白者如水

水中有赤色者有獸焉其狀如貉而人目

貉或作貉古字

其名曰麇

音銀

或作麇號水出焉而北流注于洛其中多礪石

言亦出水

又西一百二十里曰釐山其陽多玉其陰多菟

音搜茅菟今之

菟草也

有獸焉其狀如牛蒼身其音如嬰兒是食人其名

曰犀渠瀟瀟之水出焉而南流注于伊水有獸焉名曰

獼

音倉頡之頡

其狀如獺犬而有鱗其毛如毳鬣

生鱗間也

又西二百里曰箕尾之山多穀多涂石其上多璆璵之玉

又西二百五十里曰枳山其上多玉其下多銅滔雕之

水出焉而北流注于洛其中多羝羊有木焉其狀如樗

其葉如桐而莢實其名曰菱可以毒魚

菱一作父

又西二百里曰白邊之山其上多金玉其下多青雄黃

又西二百里曰熊耳之山

今在上洛縣南

其上多漆其下多機

浮濠之水出焉而西流注于洛其中多水玉多人魚有

草焉其狀如蘇而赤華名曰葶藶

亭寧野
勝二音

可以毒魚

又西三百里曰牡山其上多文石其下多竹箭竹簞其

獸多牝牛羴羊鳥多赤鷩

音閉即
鷩雉也

又西三百五十里曰灌舉之山雒水出焉而東北流注

于玄扈之水其中多馬腸之物此二山者洛間也

洛水
今出

上洛縣冢嶺山河圖曰
玄扈洛汭謂此間也

凡釐山之首自鹿蹄之山至于玄扈之山凡九山千六
百七十里其神狀皆神面獸身其祠之毛用一白雞祈

而不糈

言直祈禱

以彩衣之

以彩飾雞

中次五經薄山之首曰苟牀之山

或作苟林山

無草木多怪

石

怪石似玉也書曰鉛松怪石也

東三百里曰首山其陰多穀柞草多茱萸

茱萸山薊也茱萸華中藥

其

陽多瑇瑁之玉木多槐其陰有谷曰机谷多馱鳥

音如鉗

之其狀如梟而三目有耳其音如錄食之已墊未聞

又東三百里曰縣斷之山

音如斤斷之斷

無草木多文石

又東二百里曰葱嶺之山無草木多摩石

未詳

東北五百里曰條谷之山其木多槐桐其草多芍藥薔

冬

本草經曰薔冬一名
端冬今作門俗作耳

又北十里曰超山其陰多蒼玉其陽有井冬有水而夏

竭

又東五百里曰成侯之山其上多櫟木

似櫟樹材中車
轅吳人呼櫟音

輜車或曰輜車其草多芄

又東五百里曰朝歌之山谷多美璽

又東五百里曰槐山谷多金錫

又東十里曰歷山其木多槐其陽多玉

又東十里曰尸山多蒼玉其獸多麋

似鹿而小黑色

尸水出焉

南流注于洛水其中多美玉

又東十里曰良餘之山其上多穀柞無石餘水出于其陰而北流注于河乳水出于其陽而東南流注于洛

又東南十里曰蠶尾之山多礪石赤銅龍餘之水出焉而東南流注于洛

又東北二十里曰升山其木多穀柞棘其草多藟蕝蕝

蕝香蕝脫草生南方高丈許似荷葉而莖中有草也多冠脫冠脫草生南方高丈許似荷葉而莖中有蕝正白零桂人植而日灌之以為樹也

黃酸之水出焉而北流注于河其中多璇玉石次玉者也孫卿曰

璇玉瑤玖不知佩璇音旋

又東十二里曰陽虛之山多金臨于玄扈之水河圖曰蒼頡為

帝南巡狩登陽虛之山臨于玄扈洛汭靈

龜負書丹甲青文以授之出此水中也

凡薄山之首自苟林之山至于陽虛之山凡十六山二

千九百二十八里升山冢也其祠禮太牢嬰用吉玉首

山魍也其祠用稌黑犧太牢之具蘖釀

以蘖作醴酒也

干儻

萬儻

干櫛也

置鼓

擊之以櫛

嬰用一璧尸水合天也

天神之所馮也

肥牲祠

之用一黑犬于上用一雌雞于下剗一牝羊獻血

以血祭也

剗猶剗也周禮曰剗哻奉犬牲

嬰用吉玉彩之

又加以繒彩之飾也

饗之

勸強之也特牲

饋食禮曰執奠祝饗是也

中次六經綽羝山之首曰平逢之山南望伊洛東望穀

城之山

在濟北穀城縣西黃石公石在此山下張良取以合葬爾

無草木無水多沙

石有神焉其狀如人而二首名曰驕蟲是為螫蟲

為螫蟲之

長

實惟蜂蜜之廬

言羣蜂之所舍集蜜亦蜂名

其祠之用一雄雞禳

而勿殺

禳亦祭名謂禳却惡氣也

西十里曰縞羝之山無草木多金玉

又西十里曰鹿山

音如瓌偉之瓌

其陰多璵璠之玉其西有谷

焉名曰翟谷其木多柳楮其中有鳥焉狀如山雞而長

尾赤如丹火而青喙名曰鵠鷄

鈴要二音

其鳴自呼服之不

卷五
昧交觴之水出于其陽而南流注于洛俞隨之水出于其陰而北流注于穀水

又西三十里曰瞻諸之山其陽多金其陰多文石澍水

出焉音謝而東南流注于洛少水出其陰而東流注于穀

水

世謂之
慈澗

又西三十里曰婁涿之山無草木多金玉澍水出于其

陽而東流注于洛陂水出于其陰

世謂之
百谷水

而北流注于

穀水其中多菰石文石

又西四十里曰白石之山惠水出于其陽而南流注于

洛其中多水玉澗水出于其陰

書曰伊洛澗

西北流注于穀

水其中多麋石櫨丹

皆未聞

又西五十里曰穀山其上多穀其下多桑爽水出焉

世謂

之紆麻澗

而西北流注于穀水其中多碧綠

又西七十二里曰密山

今滎陽密縣亦有密山疑非也

其陽多玉其陰

多鐵豪水出焉而南流注于洛其中多旋龜其狀鳥首而鼈尾其音如判木無草木

又西百里曰長石之山無草木多金玉其西有谷焉名

曰共谷多竹其水出焉西南流注于洛其中多鳴石

永晉

康元年襄陽郡上鳴石似玉色青撞之聲聞七八里今零陵泉陵縣永正鄉有鳴石二所其一狀如鼓俗因名爲石鼓即此類也

又西一百四十里曰傳山無草木多瑤碧厭染之水出

于其陽而南流注于洛其中多人魚其西有林焉名曰

墻冢

音番

穀水出焉而東流注于洛

今穀水出穀陽谷東北至穀城縣入洛河

其中多珉玉

未聞也珉音堙

又西五十里曰橐山其木多樗多楸木

今蜀中有楸木
七八月中吐穗

穗成如有鹽粉著
狀可以酢羹音備

其陽多金玉其陰多鐵多蕭

蕭蒿見爾雅

橐水出焉而北流注于河其中多脩辟之魚狀如鼃

蛙

屬也而白喙其音如鴟食之已白癰

又西九十里曰常烝之山無草木多堊漣水出焉

音譙

而

東北流注于河其中多蒼玉蓄水出焉而北流注于河

又西九十里曰夸父之山其木多棧枏多竹箭其獸多

柞牛羝羊其鳥多鶩其陽多玉其陰多鐵其北有林焉

名曰桃林是廣員三百里其中多馬

桃林今弘農湖縣
閿鄉南谷中是也

饒野馬山

羊山牛也

湖水出焉而北流注于河其中多珉玉

又西九十里曰陽華之山其陽多金玉其陰多青雄黃

其草多藟蘂多苦辛其狀如櫛

即櫛
字也

其實如瓜其味酸

甘食之已瘧楊水出焉而西南流注于洛其中多人魚

門水出焉而東北流注于河其中多玄礪

黑砥石
生水中

緡姑

之水出于其陰

緡音
藉

而東流注于門水其上多銅門水

至于河七百九十里入雒水

凡縞羝山之首自平逢之山至于陽華之山凡十四山

七百九十里嶽在其中以六月祭之

六月亦歲之中

如諸嶽之

祠法則天下安寧

中次七經苦山之首曰休與之山

與或作興下同

其上有石焉

名曰帝臺之棋

帝臺神人名棋謂博棋也

五色而文其狀如鵝卵帝

臺之石所以禱百神者也

禱祀百神則用此石

服之不蠱有草焉

其狀如蓍赤葉而本叢生名曰夙條可以為簪

中箭筈也

東三百里曰鼓鍾之山帝臺之所以觴百神也

舉觴燕會則於

此山因名
為鼓鍾也

有草焉方莖而黃華員葉而三成

葉三
重也

其名

曰焉酸可以為毒

治為

其上多礪其下多砥

又東二百里曰姑媯之山

音遙或無
之山字

帝女死焉其名曰

女尸化為菑草其葉胥成

言葉相重
也亦音遙

其葉黃其實如菟

邱

菟邱菟絲
也見爾雅

服之媚於人

為人所愛也傳曰人服
媚之如是一名荒夫草

又東二十里曰苦山有獸焉名曰山膏其狀如逐

即豚
字

赤若丹火善詈

好罵
人

其上有木焉名曰黃棘黃華而員

葉其實如蘭服之不字

字生也易曰
女子貞不字

有草焉員葉而無

莖赤華而不實名曰無條服之不癭

又東二十七里曰堵山神天愚居之是多怪風雨其上

有木焉名曰天楸

音鞭

方莖而葵狀服者不咽

食不噎也

又東五十二里曰放臯之山

放或作効又作牧

明水出焉南流

注于伊水其中多蒼玉有木焉其狀如槐黃華而不實
其名曰蒙木服之不惑有獸焉其狀如蜂枝尾而反舌

善呼

好呼喚也

其名曰文文

又東五十七里曰大菩之山多璵璠之玉多麋玉

未詳

有

草焉其狀葉如榆方莖而蒼傷其名曰牛傷

猶言牛棘

其根

蒼文服者不厥

厥逆氣病

可以禦兵其陽狂水出焉西南流

注于伊水其中多三足龜

今吳興陽羨縣有君山山上有池水中有三足六眼龜鼈

龜三足者名

賁出爾雅

食者無大疾可以已腫

又東七十里曰半石之山其上有草焉生而秀其高丈

餘赤葉赤華華而不實

初生先作穗却著葉花生穗間

其名曰嘉榮服

之者不霆

不畏雷霆霹靂也音廷搏之廷

來需之水出于其陽而西流

注于伊水其中多鱸魚

音倫

黑文其狀如鮒食者不睡合

水出于其陰而北流注于洛多騰魚

音騰

狀如鰕居達

音鰕

大口大目細鱗有斑彩達水中之穴道交通者鰕音劇

蒼文赤尾食者不癰可以

為癰

癰癰屬也中多有虫淮南子曰雞頭已癰音漏

又東五十里曰少室之山

今在河南陽城西俗名泰室

百草木成困

未詳

其上有木焉其名曰帝休葉狀如楊其枝五衢

言樹枝交

錯相重五出有象衢路也離騷曰靡萍九衢

黃華黑實服者不怒其上多玉

此山巔亦有白玉膏得服之即得仙道世人不能上也詩含神霧云

其下多鐵休水出焉

而北流注于洛其中多鯢魚狀如鰻

未詳鰻音備

而長距

足白而對

未詳

食者無蠱疾可以禦兵

又東三十里曰泰室之山

即中嶽嵩高山也今在陽城縣西

其上有木

焉葉狀如梨而赤理其名曰栢木

音郁

服者不如有草焉

其狀如茱

茱似薊也

白華黑實澤如蓂莢

言子滑澤

其名曰蓂草

服之不昧上多美石

次玉者也啟母化為石而生啟在此山見淮南子

又北三十里曰講山其上多玉多柘多栢有木焉名曰

帝屋葉狀如椒反傷赤實

反傷刺下勾也

可以禦凶

又北三十里曰嬰梁之山上多蒼玉鐔于玄石

言蒼玉依黑石

而生也或曰鐫子
樂器名形似確頭

又東三十里曰浮戲之山有木焉葉狀如樗而赤實名
曰亢木食之不蠱汜水出焉而北流注于河其東有谷

因名曰蛇谷

因此中出蛇故以名之

上多少辛

細辛也

又東四十里曰少陘之山有草焉名曰剛草

音剛

葉狀如

葵而赤莖白華實如蓂蓂食之不愚

言益人智

器難之水出

焉

或作罵

而北流注于役水

一作侵

又東南十里曰太山

別有東小太山今在朱虛縣汶水所出疑此非也

有草焉

名曰梨其葉狀如荻

荻亦蒿也昔狄

而赤華可以已疽太水出

于其陽而東南流注于沒水承水出于其陰而東北流

注于沒

世謂之靖澗水

又東二十里曰末山上多赤金末水出焉北流注于沒

水經作洙

又東二十五里曰役山上多白金多鐵役水出焉北注

于河

又東三十五里曰敏山上有木焉其狀如荊白華而赤

實名曰薊

音計

栢服者不寒

令人耐寒

其陽多璊璫之玉

又東三十里曰大驪之山

今榮陽密縣有大驪山驪因溝水所出音歸

其陰

多鐵美玉青瑩有草焉其狀如蓍而毛青華而白實其

名曰蕤

音狼戾

服之不夭

言盡壽也或作笑

可以為腹病

為治也一作已

凡苦山之首自休與之山至于大驪之山凡十有九山

千一百八十四里其十六神者皆豕身而人面其祠毛

蚿用一羊羞

言以羊為薦羞

嬰用一藻玉瘞

藻玉玉有五彩者也或曰所以盛玉

藻藉也

苦山少室太室皆冢也其祠之太牢之具嬰以吉

玉其神狀皆人面而三首其餘屬皆豕身人面也

中次八經荆山之首曰景山

今在南郡界中

其上多金玉其木

多杼檀

杼音椽柱之柱

睢水出焉

睢音癰疽之疽

東南流注于江

今睢水出

新城魏昌縣東南發阿山東南至南郡枝江縣入江也

其中多丹粟多文魚

有斑彩也

東北百里曰荆山

今在新城沐鄉縣南

其陰多鐵其陽多赤金其

中多犛牛

犛牛屬也黑色出西南徼外也音狸一音來

多豹虎其木多松栢

其草多竹多橘櫟

櫟似橘而大也皮厚味酸

漳水出焉而東南流注

于睢

出荆山至南郡當陽縣入沮水

其中多黃金多鮫魚

鮫鮒魚類也皮有珠文而

堅尾長三四尺末有毒螫人皮可飾刀
鋤口錯治材角今臨海郡亦有之音交
其獸多閭麋似鹿
而大也

又東北百五十里曰驕山其上多金其下多青龍其木

多松栢多桃枝鉤端神蟲圍處之蟲音鼃魚之鼃其狀如人面

羊角虎爪恒遊于睢漳之淵淵水之府與也出入有光

又東北百二十里曰女几之山其上多玉其下多黃金

其獸多豹虎多閭麋麋虎虎似獐而大猥其鳥多白

鵲鵲似雉而長尾走且鳴音驕多翟多鵲鵲大如鵲紫綠色長頸赤喙食蝮蛇頭雄名運日雌

名陰
諧也

又東北二百里曰宜諸之山其上多金玉其下多青藨

澠水出焉

音詭

而南流注于漳

今澠水出南郡東澠山至華容縣入江也

其中

多白玉

又東北三百五十里曰綸山

音倫

其木多梓枏多桃枝多

榲桲

相似梨而酢澇

其獸多閭麇麇

麇似羗而鹿脚青色音綽

又東北二百里曰陸渚之山

音如詭告之詭

其上多璆璠之玉

其下多璆其木多杻橈

又東百三十里曰光山其上多碧其下多木神計蒙處之其狀人身而龍首恒遊于漳淵出入必有飄風暴雨

又東百五十里曰岐山其陽多赤金其陰多白珉

石似玉者

音旻其上多金玉其下多青鵠其木多樗神涉羆處之

徒河

切一作羆笑遊切

其狀人身而方面三足

又東百三十里曰銅山其上多金銀鐵其木多穀柞相栗橘櫟其獸多豹

又東北一百里曰美山其獸多兕牛多閭麋多豕鹿其

上多金其下多青蘗

又東北百里曰大堯之山其木多松柏多梓桑多机其草多竹其獸多豹虎麋麋

又東北三百里曰靈山其上多金玉其下多青蘗其木

多桃李梅杏

梅似杏而酢也

又東北七十里曰龍山上多寓木

寄生也一名宛童見爾雅

其上多

碧其下多赤錫其草多桃枝鉤端

又東南五十里曰衡山上多寓木穀柞多黃堊白堊

又東南七十里曰石山其上多金其下多青雘多寓木

又南百二十里曰若山其上多瑇瑁之玉多赭赤土多邦

石未詳多寓木多柘若或作前

又東南一百二十里曰焜山多美石多柘

又東南一百五十里曰玉山其上多金玉其下多碧鐵

其木多栢一作栢

又東南七十里曰謹山其木多檀多邦石多白錫今白蠟也

郁水出于其上潛于其下其中多砥礪

又東北百五十里曰仁舉之山其木多穀柞其陽多赤金其陰多赭

又東五十里曰師每之山其陽多砥礪其陰多青蘧其木多栢多檀多柘其草多竹

又東南二百里曰琴鼓之山其木多穀柞椒柘

椒為樹小而叢

生下有草木則蕪死

其上多白珉其下多洗石其獸多豕鹿多白

犀其鳥如鳩

凡荆山之首自景山至琴鼓之山凡二十三山二千八

百九十里其神狀皆鳥身而人面其祠用一雄雞祈瘞

禱請已埋之也

用一藻圭簪用稊驕山豕也其祠用羞酒少牢

祈瘞嬰毛一璧

中次九經岷山之首曰女几之山其上多石涅其木多

杻橦其草多菊茱洛水出焉東注于江其中多雄黃

雄黃

亦出水中其獸多虎豹

又東北三百里曰岷山江水出焉

岷山今在汶山郡廣陽縣西大江所出

東北流注于海

至廣陽縣入海

其中多良龜

良龜善多鼉似蜥蜴大者長二丈

有鱗彩皮其上多金玉其下多白珉其木多梅棠其獸可以冒鼓

多犀象多變牛

今蜀山中有大牛重數千斤名為變牛晉太興元年此牛出上庸郡人弩射殺

得三十八犛肉即爾雅所謂魏

其鳥多翰鷖

白鷖赤鷖

又東北一百四十里曰岷山江水出焉

邛來山今在漢嘉嚴道縣南江

水所自出也山有九折坂出狢狢似熊而黑白駁亦食銅鐵也

東流注大江其陽多黃

金其陰多麋麇其木多檀栢其草多薺韭多葍

即鶩空奪

即蛇皮脫也

又東一百五十里曰岨山

音居

江水出焉

北江

東流注于大

江其中多怪蛇

今永昌郡有鈎蛇長數丈尾岐在水中鈎取岸上人牛馬啖之又呼馬絆蛇謂

此類也

多鰲魚

音鰲未聞

其木多樛杻

樛剛木也中車材音秋

多梅梓其

獸多夔牛麋麋犀兕有鳥焉狀如梟而赤身白首其名

曰竊脂

今呼小青雀曲背肉食者為竊脂疑此非也

可以禦火

又東三百里曰高粱之山其上多堊其下多砥礪其木多桃枝鈎端有草焉狀如葵而赤華莢食白柎可以走馬

又東四百里曰蛇山其上多黃金其下多堊其木多栲

多豫樟其草多嘉榮少辛有獸焉其狀如狐而白尾長

耳名狔狼

音巴

見則國內有兵

一作國有亂

又東五百里曰崑山其陽多金其陰多白珉蒲鸛

音堯

之

水出焉而東流注于江其中多白玉其獸多犀象熊羆

多猿雌

雌似獼猴鼻露上向尾四五尺頭有岐蒼黃色雨則自縣樹以尾塞鼻孔或以兩指塞之

又東北三百里曰隅陽之山其上多金玉其下多青藨

其木多梓桑其草多芘徐之水出焉東流注于江其中

多丹粟

又東二百五十里曰岐山

今在扶風美陽縣西

其上多白金其下

多鐵其木多梅梓

梅或作蔽

多杻榘減水出焉東南流注

于江

又東三百里曰勾欄之山

音終 梧之梧

其上多玉其下多黃

金其木多櫟柘其草多芍藥

又東一百五十里曰風雨之山其上多白金其下多石

涅其木多楸櫟

楸木未詳也櫟木白理中櫟櫟善二音

多楊宣余之水出

焉東流注于江其中多蛇其獸多閭康多麋豹虎其鳥

多白鵲

又東北二百里曰玉山其陽多銅其陰多赤金其木多豫樟楸杻其獸多豕鹿麋麋其鳥多鵲

又東一百五十里曰熊山有穴焉熊之穴恒出神人夏

啟而冬閉是穴也東啟乃必有兵

今鄴西北有鼓山下有石鼓象懸著山旁

鳴則有軍事與此穴殊象而相應

其上多白玉其下多白金其木多櫟

柳其草多寇脫

又東一百四十里曰驪山其陽多美玉赤金其陰多鐵

其木多桃枝荆芭

又東二百里曰葛山其上多赤金其下多瑊石

瑊石勁石似玉

也音絨

其木多相栗橘櫟檣其獸多麋麋其草多嘉榮

又東一百七十里曰賈超之山其陽多黃堊其陰多美

赭其木多相栗橘櫟其中多龍脩

龍頰也似莞而細生山石穴中莖倒垂可

以為席

凡岷山之首自女几山至于賈超之山凡十六山三千

五百里其神狀皆馬身而龍首其祠毛用一雄雞瘞糝

用徐文山勾欄風雨隄之山是皆冢也其祠之羞酒

先進

酒以
時神

少牢具嬰毛一吉玉熊山席也

席者神之
所憑止也

其祠羞

酒太牢具嬰毛一璧千儻用兵以禳

禳祓除之祭名儻
者持盾武儻也

祈璆冕舞

祈求福祥也祭用玉儻者
冕服也美玉曰璆已求反

中次十經之首曰首陽之山其上多金玉無草木

又西五十里曰虎尾之山其木多椒楮多封石其陽多

赤金其陰多鐵

又西南五十里曰繁縠

音潰

之山其木多栢杻其草多枝

勾

今山中有
有此草

又西南二十里曰勇石之山無草木多白金多水

又西二十里曰復州之山其木多檀其陽多黃金有鳥

焉其狀如鴟而一足彘尾其名曰跂踵見則其國大疫

銘曰跂踵為鳥一足似
變不為樂興反以來悲

又西三十里曰楮山多寓木多椒楮多柘多堊

一作渚
州之山

又西二十里曰又原之山其陽多青雘其陰多鐵其鳥

多鸛鵒

鸛鵒也傳曰鸛
鵒來巢音臞

又西五十里曰涿山其木多穀柞其陽多璵璠之玉

又西七十里曰丙山其木多梓檀多欽柎

欽義所未詳

凡首陽山之首自首山至于丙山凡九山二百六十七

里其神狀皆龍身而人面其祠之毛用一雄雞瘞糝用

五種之糝堵山冢也其祠之少牢具羞酒祠嬰毛一璧

瘞騮山帝也其祠羞酒太牢具合巫祝二人儻嬰一璧

中次一十一山經荆山之首曰翼望之山湍水出焉

鹿搏

反東流注于濟

今湍水逕南陽穰縣而入清水

貺水出焉

音況

東南流注

于漢其中多蛟

似蛇而四脚小頭細頸有白瘻大者十數圍卵如一二石甕能吞人

其上

多松柏其下多漆梓其陽多赤金其陰多珉

又東北一百五十里曰朝歌之山澠水出焉

澠水今在南陽舞陽

縣音武

東南流注于滎其中多人魚其上多梓枏其獸多

麋麋有草焉名曰莽草可以毒魚

今用之殺魚

又東南二百里曰帝囷之山

去倫反

其陽多璆璆之玉其

陰多鐵帝囷之水出于其上潛于其下多鳴蛇

又東南五十里曰視山其上多韭有井焉名曰天井夏

有水冬竭其上多桑多美堊金玉

又東南二百里曰前山其木多櫟

似柞子可食冬夏生作屋柱難腐音諸或

作儲多柏其陽多金其陰多赭

又東南三百里曰豐山有獸焉其狀如蝮赤目赤喙黃

身名曰雍和見則國有大恐神耕父處之常游清冷之

淵出入有光

清冷水在西號鄧縣山上神來時水亦有光耀今有屋祠之

見則其國

為敗有九鍾焉是知霜鳴

霜降則鍾鳴故言知也物有自然感應而不可為也其

上多金其下多穀柞杻橿

又東北八百里曰兔牀之山其陽多鐵其木多諸蕓其草多雞穀其本如雞卵其味酸甘食者利于人

又東六十里曰皮山多堊多赭其木多松柏

又東六十里曰瑤碧之山其木多梓枏其陰多青蘗其

陽多白金有鳥焉其狀如雉恒食蜚名曰鳩

蜚負盤也音翡此更

一種鳥非食蛇之鳩也

又東四十里曰支離之山濟水出焉南流注于漢

今濟水出

鄴縣西北山中南入漢鄴離音字亦同

有鳥焉其名曰嬰勺其狀如雀赤

目赤喙白身其尾若勺

似酒勺形

其鳴自呼多牝牛多羖羊

又東北五十里曰袞箇之山

音彫

其上多松柏机柏

柏葉似柳

皮黃不措子似棟着酒中飲之辟惡氣浣衣去垢核堅正黑可以間香纓一名栝樓也

又西北一百里曰堇理之山其上多松柏多美梓其陰

多丹雘多金其獸多豹虎有鳥焉其狀如鵲青身白喙

白目白尾名曰青耕可以禦疫其鳴自叫

又東南三十里曰依軻之山

音枯

其上多杻榘多苴

未詳音苴

有獸焉其狀如犬虎爪有甲其名曰獐

言體有鱗甲音吝

善駛

竿

跳躍自撲也
鞅奮兩音

食者不風

不畏
天風

又東南三十五里曰即谷之山多美玉多玄豹

黑豹也
即今荆

州山中出
黑虎也

多閭塵多麋麋其陽多珉其陰多青龍

又東南四十里曰雞山其上多美梓多桑其草多韭

又東南五十里曰高前之山其上有水焉甚寒而清

或作

潛

帝臺之漿也

今河東解縣南檀首山上有水潛
出停不流俗名為盎漿即此類也

飲之

者不心痛其上有金其下有赭

又東南三十里曰游戲之山多榘榘穀多玉多封石

又東南三十五里曰從山其上多松柏其下多竹從水
出于其上潛于其下其中多三足鼈枝尾

三足鼈名能見爾雅

食

之無蠱疫

又東南三十里曰嬰磈之山

音真

其上多松柏其下多梓

櫨

又東南三十里曰畢山帝苑之水出焉東北流注于視
其中多水玉多蛟其上多璵璠之玉

又東南二十里曰樂馬之山有獸焉其狀如彙赤如丹

火其名曰狻_{音戾}見則其國大疫

又東南二十五里曰歲山視水出焉

或曰視宜為瀨觀水今在南陽也

東南流注于汝水其中多人魚多蛟多頡

如青狗

又東四十里曰嬰山其下多青黿其上多金玉

又東三十里曰虎首之山多苴櫚

櫚未詳也音彫

又東二十里曰嬰戾之山其上多封石其下多赤錫

又東五十里曰大孰之山殺水出焉東北流注于視水

其中多白堊

又東四十里曰卑山其上多桃李苴梓多累

今虎豆狸豆之屬累

一名滕

音誅

又東三十里曰倚帝之山其上多玉其下多金有獸焉

其狀如鼯鼠

爾雅說鼠有十三種中有此鼠形所未詳也音狗吠之吠

白耳白喙名

曰狙如

音即蛆

見則其國有大兵

又東三十里曰鯢山

音倪

鯢水出于其上潛于其下其中

多美堊其上多金其下多玉有馭

又東三十里曰雅山澧水出焉

音禮今澧水出南陽

東流注于視

水其中多大魚其上多美桑其下多苴多赤金

又東五十里曰宣山淪水出焉東南流注于視水其中

多蛟其上有桑焉大五十尺

國五丈也

其枝四衢

言枝交互出

其

葉大尺餘赤理黃華青拊名曰帝女之桑

婦女主蠶故以名桑

又東四十五里曰衡山

今衡山在衡陽湘南縣南嶽也俗謂之岵婁山

其上多

青藿多桑其鳥多鸛鵒

又東四十里曰豐山其上多封石其木多桑多羊桃狀

如桃而方莖

一名鬼桃

可以為皮張

治皮腫起

又東七十里曰嫗山其上多美玉其下多金其草多雞穀

又東三十里曰鮮山其水多楸杻苴其草多疊冬其陽多金其陰多鐵有獸焉其狀如膜大赤喙赤目白尾見則其邑有火名曰移即

音移

又東三十里曰章山

或作童山

其陽多金其陰多美石皐水

出焉東流注于澧水其中多脆石

未聞魚脆反

又東二十五里曰大支之山其陽多金其木多穀柞無

草木

又東五十里曰區吳之山其木多苴

又東五十里曰聲匈之山其木多穀多玉上多封石

又東五十里曰大駮之山

上已有此山疑同名

其陽多赤金其陰

多砥石

又東十里曰踵白之山無草木

又東北七十里曰歷

或作磨

石之山其木多荆芭其陽多

黃金其陰多砥石有獸焉其狀如狸而白首虎爪名曰

梁渠見則其國有大兵

又東南一百里曰求山求水出于其上潛于其下中有

美楮其木多苴多鎡

蓀屬

其陽多金其陰多鐵

又東二百里曰丑陽之山其上多桐柎有鳥焉其狀如

烏而赤足名曰馭餘

音如祝
柑之枳

可以禦火

又東三百里曰輿山其上多柏柎樗其陽多璵璠之玉
輿水出焉東流注于視水

又東三十五里曰服山其木多苴其上多封石其下多

赤錫

又東三百里曰杏山其上多嘉榮草多金玉

又東三百五十里曰凡山其木多栢檀杻其草多香有

獸焉其狀如羆黃身白頭白尾名曰聞羆音隣見則天下

大風

羆一作
羆音瓊

凡荆山之首自翼望之山至于凡山凡四十八山三千

七百三十二里其神狀皆羆身人首其祠毛用一雄雞

祈瘞用一珪幣用五種之精禾山帝也其祠太牢之具

羞瘞倒毛

薦羞及倒
姓埋之也

用一壁牛無常堵山玉山冢也皆

倒祠羞毛少牢嬰毛吉玉

中次十二經洞庭山之首曰篇遇之山

或作肩

無草木多

黃金

又東南五十里曰雲山無草木有桂竹甚毒傷人必死

今始興郡桂陽縣出篁竹大者圍二尺長四丈又交趾
有篁竹實中勁強有毒銳以刺虎中之則死亦此類也

其上多黃金其下多璆璒之玉

又東南一百三十里曰龜山其木多穀柞桐栝其上多

黃金其下多青雄黃多扶竹

邛竹也高節實中中
杖也名之扶老竹

又東七十里曰丙山多篁竹多黃金銅鐵無木

又東南五十里曰風伯之山其上多金玉其下多瘞石

文石

未詳瘞
石之義

多鐵其木多柳柎檀楮其東有林焉名曰

莽浮之林多美木鳥獸

又東一百五十里曰夫夫之山其上多黃金其下多青

雄黃其木多桑楮其草多竹雞鼓神于兒居之其狀人

身而身操兩蛇常遊於江淵出入有光

又東南一百二十里曰洞庭之山

今長沙巴陵縣西又有洞庭波潛伏通江

離騷曰遭吾道兮洞庭洞庭波兮木葉下皆謂此也字或作銅宜從水

其上多黃金其下

多銀鐵其木多相梨橘櫟其草多葍蓐蕪芎藭

蕪蓐

似蛇狀而香也

帝之二女居之

天帝之二女而處江為神即列仙傳江妃二女也離騷九歌所

謂湘夫人稱帝子者是也而河圖玉版曰湘夫人者帝堯女也秦始皇浮江至湘山逢大風而問博士湘君何

神博士曰聞之堯二女舜妃也死而葬此列女傳曰二女死于江湘之間俗謂為湘君鄭司農亦以舜妃為湘

君說者皆以舜陟方而死二女從之俱溺死于湘江遂號為湘夫人按九歌湘君湘夫人自是二神江湘之有

夫人猶河洛之有嫫妃也此之為靈與天地並矣安得謂之堯女且既謂之堯女安得復總云湘君哉何以考

之禮記曰舜葬蒼梧二妃不從明二妃生不從征死不從葬義可知矣即令從之二女靈達鑒通無方尚能以鳥工龍裳救井廩之難豈當不能自免于風波而有雙淪之患乎假復如此傳曰生為上公死為鬼神禮五獄比三公四瀆比諸侯今湘川不及四瀆無秩於命祀而二女帝者之后配靈神祇無緣當復下降小水而為夫人也參互其義義既混錯錯綜其理理無可據斯不然矣原其致謬之由由乎俱以帝女為名名實相亂莫矯其失習非勝是終

是常遊于江淵澧沅之風交瀟湘之

古不悟可悲矣

淵

此言二女游戲江之淵府則能鼓三江今風波之氣共相交通言其靈響之意也江湘沅水皆共會巴陵

頭故號為三江之口澧又去之七八十里而入江

焉淮南子曰弋釣瀟湘今所在未詳也瀟音消

是在

九江之間

地理志九江今在潯陽南江自潯陽而分為九皆東會于大江書曰九江孔殷是也

出

入必以飄風大雨是多怪神狀如人而載蛇左右手操蛇多怪鳥

又東南一百八十里曰暴山其木多櫟栲荆芑竹箭簞

筍

筍亦篠類中箭見禹貢

其上多黃金玉其下多文石鐵其獸多

麋鹿麇就

就鵬也見廣雅

又東南二百里曰即公之山其上多黃金其下多璆璒

之玉其木多柳柎檀桑有獸焉其狀如龜而白身赤首

名曰蜺

音說

是可以禦火

又東南一百五十九里曰堯山其陰多黃堊其陽多黃金其木多荆芭柳檀其草多藷蕨米

又東南一百里曰江浮之山其上多銀砥礪無草木其獸多豕鹿

又東二百里曰真陵之山其上多黃金其下多玉其木多穀柞柳杻其草多榮草

又東南一百二十里曰陽帝之山多美銅其木多榑杻

檿楮

檿山桑也

其獸多麋麝

又南九十里曰柴桑之山

今在潯陽柴桑縣南其廬山相連也

其上多銀

其下多碧多冷石赭其木多柳芭楮桑其獸多麋鹿多

白蛇飛蛇

即騰蛇乘霧而飛者

又東二百三十里曰榮余之山其上多銅其下多銀其

木多柳芭其蟲多怪蛇怪蟲

凡洞庭山之首自篇遇之山至于榮余之山凡十五山

二千八百里其神狀皆鳥身而龍首其祠毛用一雄雞

一牝豚刳

刳亦割刺之名

醬用稌凡夫夫之山即公之山堯山

陽帝之山皆冢也其祠皆肆瘞

肆陳之也陳牲玉而後埋藏之

祈用酒

毛用少牢嬰毛一吉玉洞庭榮余山神也其祠皆肆瘞

肆竟然後依前埋之也

祈酒太牢祠嬰用圭璧十五五彩惠之

惠猶

飾也方

言也

右中經之山志大凡百九十七山二萬一千三百七十一里大凡天下名山五千三百七十居地大凡六萬四千五十六里

禹曰天下名山經五千三百七十山六萬四千五十六

里居地也言其五臧蓋其餘小山甚衆不足記云

天地之東西二萬八千里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封於太山禪於梁父七十二家得失之數皆在此內是謂國用

管子

地數云封禪之王七十二家也

右五臧山經五篇大凡一萬五千五百三字

山海經卷五

謹案卷四第七頁後二行凡十九山刊本脫十字
據釋義及廣注增

卷五第三頁後六行似雉而大刊本雉訛治據廣
注改

第十二頁前三行皆未聞刊本脫皆字據釋義增
第十三頁後八行門水至於河七百九十里入雒
水刊本至訛出雒訛確據釋義及廣注改

第十四頁前七行中箭竒也刊本竒訛竒今改

第二十八頁前二行其本如雞卵刊本本訛草據

釋義改





總校官庶吉士 臣侍朝

校對官中書 臣石鴻翥

謄錄監生 臣劉宗望